

Gallwch wneud cais nawr am grantiau hyd at £10 miliwn

30/05/2023



An event in the courtyard of The Piece Hall, which was revitalised with the help of National Lottery funding.

Rydym wedi cynyddu terfyn uchaf ein Grantiau Treftadaeth y Loteri Genedlaethol i gefnogi prosiectau treftadaeth ar raddfa fwy ar draws y DU.

Pan lanswyd [Treftadaeth 2033](#), ein strategaeth 10 mlynedd newydd, bu i ni gydnabod fod ein trothwy £5m ar gyfer grantiau - a bennwyd dros 20 mlynedd yn ôl - yn cyfyngu ar gyfleoedd i rai mentrau gyflwyno cais.

Rydym am fuddsoddi mewn prosiectau treftadaeth mwy uchelgeisiol sy'n rhannu ein cred yng ngrym treftadaeth i ddod â phobl ynghyd, meithrin balchder yn eu lle a chysylltu â'r gorffennol.

Mae 2023–2024 yn flwyddyn bontio cyn gweithredu Treftadaeth 2033 yn llawn. Byddwn yn gwneud newidiadau i'n dull gweithredu fesul cam. Y newid cyntaf - o heddiw - yw cynyddu'r swm y gallwch wneud cais amdano i £10m.

Rydym am gefnogi'r prosiectau treftadaeth gorau, mwyaf uchelgeisiol ac arloesol ar draws y DU. Gwyddom fod chwyddiant a'r argyfwng costau byw yn gwneud hynny'n anodd o dan ein trothwy presennol.

Eilish McGuinness, Prif Weithredwr Cronfa Treftadaeth y Loteri Genedlaethol

Sut i wneud cais

Bydd y [broses ymgeisio a gwneud penderfyniadau](#) yn aros yr un peth â'n grantiau blaenorol o £250,000 i £5m. Bydd ceisiadau a dderbynnir eleni yn cael eu hasesu ar feini prawf ein [Fframwaith Ariannu Strategol 2019-2024](#) presennol.

Fodd bynnag, oherwydd y llinellau amser sy'n gysylltiedig â datblygu prosiectau ar y raddfa hon, byddwn hefyd yn gofyn i chi ystyried ein hegwyddorion buddsoddi Treftadaeth 2033 newydd:

- [achub treftadaeth](#)
- [diogelu'r amgylchedd](#)
- [cynhwysiad, mynediad a chyfranogiad](#)
- [cynladwyedd sefydliadol](#)

Bydd angen i chi gyflwyno dogfen ategol o 500 gair neu lai yn amlinellu sut y bydd eich prosiect yn ymateb i'r pedair egwyddor.

Ceisio uchelgais ac arloesedd

Meddai Eilish McGuinness, Prif Weithredwr Cronfa Treftadaeth y Loteri Genedlaethol: "Rydym am gefnogi'r prosiectau treftadaeth gorau, mwyaf uchelgeisiol ac arloesol ar draws y DU. Gwyddom fod chwyddiant a'r argyfwng costau byw yn gwneud hynny'n anodd o dan ein trothwy presennol.

"Mae cynyddu ein grantiau i £10m yn golygu y gallwn gefnogi prosiectau ar raddfa fwy sy'n cyrraedd ymhellach, a chyflwyno ein gweledigaeth i werthfawrogi a gofalu am dreftadaeth ac i'w chynnal ar gyfer pawb yn y dyfodol.

"Mae'n bosib hefyd y byddwn yn ystyried buddsoddi uwchlaw'r trothwy hwn ar gyfer prosiectau treftadaeth gwirioneddol eithriadol."

Y camau nesaf

Bwrw golwg ar ein [harweiniad ymgeisio ar gyfer Grantiau Treftadaeth y Loteri Genedlaethol rhwng £250,000 a £10m](#), a chysylltwch â'ch swyddfa leol os oes gennych unrhyw gwestiynau pellach.

Mae Treftadaeth 2033 yn nodi'n gryno ein hegwyddorion a'n huchelgeisiau trosgynnol ar gyfer y deng mlynedd nesaf. Ym mis Gorffennaf, byddwn yn rhyddhau'r cyntaf o gyfres o gynlluniau cyflwyno a fydd yn rhoi rhagor o fanylion ynghylch sut y byddwn yn buddsoddi arian y Loteri Genedlaethol yn y blynyddoedd i ddod. Tan hynny, gofynnir i chi barhau i wneud ceisiadau am ariannu gan ddefnyddio ein [harweiniad](#) a'n [canlyniadau](#) presennol.

Efallai y bydd gennych chi ddiddordeb hefyd mewn ...



£250,000 i £10miliwn

Baddonau Rhufeinig, Caerfaddon © 2017 aroundworld/Shutterstock

Treftadaeth 2033 – ein strategaeth 10 mlynedd